

BOSNA I HERCEGOVINA
FEDERACIJA BOSNE I HERCEGOVINE
KANTON SARAJEVO
OPĆINSKI SUD U SARAJEVU
Broj predmeta: 65 0 Mal 1172308 25 I
Sarajevo, 20.01.2026.godine

OPĆINSKI SUD U SARAJEVU, sudija Ana Sotirov, u izvršnom postupku tražioca izvršenja „SARAJEVOSTAN“ d.o.o. Sarajevo, sa sjedištem na adresi Bulevar Meše Selimovića 12, Sarajevo, protiv izvršenika T.F. iz Sarajeva, radi izvršenja, vrijednost potraživanja 154,66 KM, dana 20.01.2026. godine, donio je:

Z A K L J U Č A K
o prodaji pokretnih stvari

ODREĐUJE SE PRVO ROČIŠTE za prodaju pokretnih stvari izvršenika T.F. iz Sarajeva, a koje se nalaze na adresi Teheranski trg broj 7, putem usmenog i javnog nadmetanja i to:

PANASONIC 43 inča, procijenjene vrijednosti 500,00 KM

ZA DAN PETAK, 27.02.2026. GODINE U 09,00 SATI,

KOJA ĆE SE ODRŽATI U ZGRADI OPĆINSKOG SUDA U SARAJEVU UL. ŠENOINA BR. 1, KANCELARIJA BROJ 454/IV – SLUŽBA SUDSKIH IZVRŠITELJA.

1. Rješenjem o izvršenju Općinskog suda u Sarajevu broj gornji od 12.06.2025. godine određeno je izvršenje pljenidbom, procjenom i prodajom pokretnih stvari izvršenika.
2. Konstatuje se da je sudski izvršni organ obavio pljenidbu pokretnih stvari izvršenika o čemu je sastavljen Zapisnik broj gornji od 20.10.20254. godine, i iste su ostavljene na čuvanje izvršeniku.
3. Ročište za javno nadmetanje održat će se i kad prisustvuje samo jedan ponuđač, a sud će zaključkom na zahtjev lica koje ima pravo prvenstvenog namirenja odrediti da se ročište za prodaju odgodi ako učestvuje samo jedan ponuđač.
4. Sud će u smislu člana 77 ZIP-a, a u vezi sa članom 135 ZIP-a zaključkom na zahtjev zainteresovanog lica omogućiti razgledanje zaplijenjenih pokretnih stvari, te istim odrediti način i vrijeme razgledanja uz prisustvo sudskog izvršioca, a koji zahtjev mora biti podnesen u pismenoj formi 8 dana prije održavanja ročišta.
5. Na prvom ročištu za prodaju pokretnih stvari putem usmenog i javnog nadmetanja pokretne stvari se ne mogu prodati ispod 1/2 /jedne polovine/ od procijenjene vrijednosti.

Ako se pokretne stvari ne prodaju prilikom prvog javnog nadmetanja, odnosno na prvom ročištu Sud će na prijedlog stranaka, odnosno zahtjev tražioca izvršenja koji se može podnijeti u roku od 8 / osam / dana od dana održavanja neuspjelog ročišta zakazati drugo ročište na kojem se pokretne stvari koje su predmet prodaje mogu prodati bez ograničenja, a u pogledu iznosa njihove cijene.
6. Sud će obustaviti postupak ako stranka ne predloži u roku od 8 dana održavanje drugog ročišta za javno nadmetanje, ili ako se stvari ne uspiju prodati ni na drugom ročištu za javno nadmetanje.
7. Ponuđač sa najvećom ponudom će platiti cijenu za pokretnu stvar odmah nakon objavljivanja rezultata.

Po uplati cijene Sud će donijeti rješenje o dosudi, a potom i rješenje o namirenju.

8. Od polaganja osiguranja u ovoj izvršnoj stvari oslobođen je tražilac izvršenja.

Ovaj Zaključak objavit će se na oglasnoj ploči Općinskog suda u Sarajevu, a tražilac izvršenja može o svom trošku Zaključak o prodaji pokretnih stvari izvršenika putem usmenog i javnog nadmetanja objaviti u sredstvima javnog informisanja.

NAPOMENA: sudskom izvršitelju kao ovlaštenom licu za provođenje javnog nadmetanja /neposredne pogodbe, da ima u vidu to da ukoliko treća lica ne obavijeste sud o svojim pravima na pokretnoj stvari u posjedu izvršenika koja je predmet izvršenja, niti dokažu svoja prava na njima smatra se da takva prava trećih ne postoje i da je izvršenik vlasnik stvari koje se nalaze u njegovom posjedu.

SUDIJA
Ana Sotirov

POUKA: Protiv ovog zaključka nije dozvoljen pravni lijek.